

այդ մասին, որ խիստ արժէքաւոր են մեր երկրի բնապատմութեան ուսումնասիրութեան տեսակէտից :

Այդ մարզի մէջ Վազներ իր նախորդների թուով առանձնապէս յիշատակելի է համարում «լուսազոյն հին բուսահաւաք» Tournefort-ի գիրքը :

«Թէեւ ես, — շարունակում է նա, — նրան համարում եմ արեւելքի մասին մեր ունեցած ամենաանվտանգելի, մակերեւութական եւ անճիշտ աղբիւրներից մէկը» :

Վազների կարծիքով՝ Թուրքիոյ յաճախ դիտմամբ է անճշգումթիւններ գրում, թերեւս իր ընթերցողների հետաքրքրութիւնը աւելի շարժելու համար : Այդպիսի անճիշտ տեղեկութիւնների թուին է պատկանում, օրինակ, ասում է Վազներ, եւ այն, որ իբր թէ Մասիսի վրայ վազրեր կան, այն ինչ «ոչ այստեղ, ոչ էլ ողջ Առաջաւոր Ասիայում վազրի հետք չկայ... Գիշատիչ գազանները չեն էլ կարող այնտեղ ամենափոքր սնունդ անդամ ձգարել : Եւ առհասարակ՝ կենդանական աշխարհը Մասիսի վրայ չափազանց աղքատ է» :

Լեռան ստորոտում բնապատմական արշաւներ կատարելուց յետոյ Վազներ իր քննական ուսումնասիրութիւնները տեղափոխում է վեր, Ս. Յակոբու ձորը, դաշտից 2500 ոտք բարձր, ոչ հեռու 1840-ի երկրաշարժից կործանուած Ակոռիի եւ Ս. Յակոբի վանքի տեղից :

Մի քանի օր Վազներ մնում է այդ ձորում եւ բազմաթիւ շրջագայութիւններ անում գիտական նպատակով : Մեր Արավեանը ի հարկէ նորէն իր հետ է :

Վազներ ընդարձակ էջեր է նուիրում Մասիսի հրաբխային ժայթքումին 1840 թ., որից հիմնովին կործանուեցին Ակոռին եւ Ս. Յակոբը : «Իա յիշեցնում է Պոմպէյը եւ Հերքուլանումը», — ասում է հեղինակը : Եւ սակայն գէպքի պատճառների մասին ոուս պաշտօնական եւ այլ աղբիւրները ճշգրիտ, սպառիչ տեղեկութիւններ տուած չեն եղել :

Վազներ հարցաւորածի է ենթարկում ոմանց Ակոռիի այն սակաւաթիւ ականատես բնակիչներից, որոնք գիւղից դուրս ելած լինելով՝ զոհ չեն գնացել բնութեան սոսկալի պատահարին : Դրանց թուով է եղել եւ Ակոռի գիւղացի

Սաղաթէլ Խօջայեվը, «մի յարգարժան ծերունի, եղբայրը այն Մտեփան աղայի, որին Պարոտը եւ Դիւբուան յաճախ յիշատակում են, եւ որը իր մերձաւորների հետ զոհ է գնացել աղէտին» :

Սաղաթէլը աղէտի օրը գնացած է լինում Ակոռիի արօտավայրերը, գիւղից վեր : Այդտեղ նա հազիւ երկու վերստ հեռու է գտնուելիս եղել այն տեղից, ուսկից ժայթքել սկսել են գոլորշի եւ քարի ու հողի զանգուածներ : Այսպիսով վերջիններս ոչ թէ, ինչպէս տարածուած անհիմն կարծիք է եղել, սարի կատարից են վար թափուել, այլ՝ գազրի եւ գոլորշիների միջոցով Ս. Յակոբու ձորի խորքից են դուրս ժայթքել ահագնազդորդ ուժով, այսինքն՝ հէնց Մասիսի հին խառնարաններից մէկից :

Ուրեմն 1840-ի բնական պատահարը հրաբխային ժայթքումն է եղել՝ միացած երկրաշարժի հետ : Սաղաթէլի պատմածները հաստատել են Ակոռիցի երկու ուրիշ ականատեսներ, որոնք եւս Վ. որպէս առաջնորդներ իր հետ առած է եղել :

«Ես բախտաւոր էի, — ասում է Վանդեր, — որ թարգման ունէի իմ ուղեկից Արավեանի նման կրթուած, լեզուին լաւ տեղեակ մի անձնաւորութիւն» :

Վազներ ամենայն ամերամասնութեամբ առաջ է բերում ականատեսների վկայութիւնները Մասիսի ժայթքումի մասին, որ տեղի է ունեցել 1840 թ. յուլիս 2-ին (հին տոմարով) ու տեւել մէկ ամբողջ ժամ :

Ակոռին, ասում է Վազներ, Երեւանի շրջանի ամենամեծ եւ ամենահարուստ գիւղն է եղած ժամանակին, Արագածի լանջին գտնուող Բազարջրկին համահասար : Գիւղի 1500 բնակիչներից եւ 400-ից աւելի քիւրդ մշակներից հազիւ 114 հոգի ազատուել են, կամ գիւղի շրջակայքում եւ կամ գործով ուրիշ տեղ գրտնրած լինելու շնորհիւ :

Վազներ այցելում է նաեւ Ս. Յակոբի վանքի տեղը ու երկրաբանական հետազոտութիւններ կատարում :

Ս. Արովեան եւս իր կողմից հաստատում է, որ Մասիսի երեք կատարներն էլ անփոփոխ նոյն տեսքն ունին այժմ, ինչ որ 1829-ին, երբ նա Պարոտի հետ միասին բարձրացել է լեռան միջին կատարը : Սաղաթէլը շարունակ կրկնում